

遵渚集鈔



831442

詩發乎情情之摯者詩未有不工者也近世爲詩者多以唐人爲不足學爭趨宋格輕意肆志以俚鄙爲清新以率略爲俊逸剽竊之家補苴捃摭而不能自言其情膠擥淺易者失之腐支離誕者失之野俱未可與言詩也唐之王仲初張文昌刻去繁縟一歸清切大抵發於性情而博於典實詩家效中晚者必宗之陶生穎儒負卓犖瓌奇之才屢不得志於有司前歲負笈走京師將遊成均所著詩歌編次成集名曰遵渚其辭融液百家出入六經博而不腐纖而不佻非淡於仲初文昌者不能也又其爲人尚氣誼敦性情視蟬冕如布衣見朱門如蓬戶殆冲淡自守深藏而不市者歟余在都二十餘年四方知名之士得讀其文者無下數百輩然要在詳擇而慎交之且朝夕禁近不能與賓朋爲文酒燕游之樂故得交於四方知名之士爲最少而所與交者則未嘗不披露肝鬲以道義相劇切也方余被謫南還穎儒獨念余長途勞瘁棄其成均之業相從以歸寒霜旅舍跋涉道路不厭非情之摯者能如是不乎比歸江邨惟親藥物方書每與穎儒翳嘉林坐芳草投竿而漁蕭然自

遵渚集鈔卷一

青浦 陶 爾稷

目

爲先慈寫華嚴經成有述
結交行贈別鄭宣成

上已寒食

拜辭先靈三首

席上別邵攬菴

舟行述懷呈莊祉如閔介申陸孝質孝毅金

漢威朱石濤張衛公十首

遵渚集鈔第一

蝶二首

惠山塘感舊

犇牛

京口與蔣雲翥夜話作

渡江

瓜步偶題

揚州三首

雨夜夢祉如

三哀詩三首

孫徵君豹人
陸隱士懸圃

汪比部蛟門

梅花嶺

二十四橋

謝安宅

疊殷彥來韻答顧書宣

書宣陸爾伸史蔚奇萬夫招飲郊園彥來喈

文厚文同集再疊前韻

三疊前韻別書宣

戲仿金荃集體二首

遵渚集鈔

青浦陶爾棧

古今體詩四十首

戊辰三月至五月

爲先慈寫華嚴經成有述

憶年十二三乍識風丁字慈母憐兒愚佞佛陰求
庇名兒曰迦那衣兒以香帔命書華嚴經僧寮廣
布施不特定慧開並得邀福利福利詎可邀親命
敬當識朔望齋盥從手胝敢言瘁私念彼佛靈鑒
我慈母意永當錫難老如川之方至誰知功未半
慈母奄卽世竊荷先子訓讀書明大義豈其服儒
服而張墨者幟杯棬口澤存兢兢懼廢墜寒暑二
十易廼今告成事平生不孝罪更僕難鱗次荒唐
異真報要豈吾親志焚香靜展看點點淚痕漬

結交行贈別鄭宣城

人生結交苦不多井蛙穴鼠遭譏訶人生結交悔
不少覆雨翻雲何足道我從束髮趨名場盤敦

去聲

周還今欲老聲華北部爭長雄文酒西園共傾倒

車笠誰憐越俗非世事從知閉關好我友姜二

直敬

天下才多否少可世所猜四方求友不稱意剗跡
思遜潺湲隈獨有鄭生相勞苦酣歌擊筑黃金臺

千里寓書盛稱道令我毛羽張毯毳谷陽城頭春
浩蕩上國冠蓋峩峩來衆中暗索覺小異苑紆宿
抱因君開蕭寺過從日復夜雄談共把山雲疊君
才礪礪不世出干將離土光胎胎昂首天階剛尺
五如何三十沈蒿萊天生吾曹豈無謂雄飛雌伏
堪理推未妨嘲笑供斥晏詎久局促溷鴛駘牢愁
萬斛寄五字狂吟不用擊鉢催窮塗挈手屢慰勉
他時風雨空悲哀况我間關方北指君今歸矣銀
沙堆參辰一判何時聚河梁日莫肝腸摧萍蹤那
學蛩蛩歷秋飆落葉元同荻但期歲寒勤砥厲素
心不改陳與雷從來知己得一足紛紛結交何爲
哉

上巳寒食

三月正當上巳日一年又值禁烟時松楸是處都
成恨芍藥何心寄所思屋角鳴鳩催雨急梁間乳
燕試風遲小園孤負芳菲節獨聽鶯簫感別離

拜辭先靈

霜露淒涼四易春素幃零落鏤空塵劬勞費盡雙
親力生此人間不孝人
小時日日依雙鄰慙出衡門淚便揮今日隻身干

里道九泉猶累眊將歸
祗爲饑驅賦別離出門惘惘劇堪悲客囊差可營
窀穸料理歸期敢後期

席上酌別邵欖菴

池暖花流片牕虛柳墮綿傷春心自醉惜別夢長
牽風義師兼友歌呼夜似年苦言聞藥石鄭重欲
書鞭

舟行述懷以黯然消魂者惟別而已矣爲
韻呈莊社如閔介申陸孝質孝毅金漢威
朱石濤張衛公

春江瀉如油春艸平于毯紫燕掠波輕柳絮隨風
糝東君解惜別日莫雲黯黯孤舟戒不前買魚就
葭莢細雨耿青鐙蒼苾生百感

百感終夜傑灼爍火始然似瘡何方避如璽空自
纏持盃一澆之迅忽摧中權豈惟詩膽壯兼令痼
疾痊誰謂全於酒非卽全於天

天全亦可學塵世亦可逃神駒不受勒俊鷗秋摩
霄詎逐枋榆起萬里期風姦策名貴及時轉駒華
顏凋不見岬上花一雨千紅消

紅消綠漸暗樣懼游郊園倚樹聽鶯語酌酒吊花

魂不惜春芳歇坐憂毒暑煩炎官張火傘何緣避
魚燔辛勤感行役淚下如潺湲

潺湲別我友攬衣不忍捨落風塵間誰是同心
者縱好葉公龍肯市燕昭馬齊竿恥濫吹郢曲復
和寡北望心徘徊行藏思謀野

謀野亦何益默默轉自惟平生不闕戶胡然萬里
馳艱難異一飽勞苦安得辭訪藥憐獨活攀樹泣
相思羨彼雙飛鳥依依翔故枝

故枝雖云好風雨傾巢穴失羣日哀鳴宛轉如訴
別嘲笑防斥晏啁啾畏百舌况復雲中羅紛紛八

紘設爲我謝杜鵑丁寧洵悽切

悽切復悽切語笑從此辭紫海容摩竭雕梁棲意
而萬物各有托吾生獨何爲懷袖有漫刺扣門多
哀詞蹙蹙今方始且無問歸期

歸期暗自忖萬一拔泥滓負土敢辭勞松楸手自
理歡言招素心款款話桑梓不爾如萍蓬漂流方
未已抱此區區心不欲語妻子

妻子何足云久作飄風眇所嗟歲寒交落落失脣
齒今宵共酒杯明旦各天矣雖云寄書頻豈若形
影倚愁逐楊花飛東西判溝水

蝶

畫衣飄豔粉生光
逐絮穿花上下狂
莫道重簾無路入
春風不鎖綺羅香

似與黃蜂暗有期
花房紅露影參差
憐君不解成崖蜜
枉損芳心戀瘦枝

惠山塘感舊

鞦韆六曲濺晴霞
蘭槳重經惜惜家
欲訪紅樓何處是
碧桃開盡有楊花

犇牛

攘攘犇牛市官船
晝夜趨樞迎煩驛吏齋
送雜畊

遵清集鈔卷一

五

夫矮屋牽蘿補危橋
借樹扶江流方下閘
三老苦踟躕

京口與蔣雲翁夜話作

一番花信過匆匆
巾卷依然逐斷蓬
白晝疆人閒說鬼
清宵伏枕但書空
自知失馬寧非福
却悔離猴枉費工
客路逢君歡復泣
水天何處有長風

渡江

江烟消盡峭帆間
鏡面晴波倒翠鬟
怪東風催權急
船頭恹恹看金山

瓜步偶題

露草團珠細霜筠着粉新紅船排雁齒碧水皺魚
鱗斷續揚州夢低迷洛浦神願爲橋上燕長占柁
樓春

揚州

柳堤風宛麴絲柔萬字闌前記昔游珠箔銀鐙春
好夜管絃聲咽十三樓

西園竹木舊時情數子花間倒玉觥惆悵酒徒星

散後二分月在爲誰明

時黎于一往闍史蕉飲命
蒼文俱留京師李大邨歸

昭陽
故云

蜀岡過雨黛初勻千股松釵掠鬢新今日平山堂

遵清集鈔卷一

六

上望何人能憶種松人

平山堂松樹萬株皆
汪蛟門先生手植

雨夜夢社如

江城送急雨檐溜聲如雷虛堂人跡掃饑烏啣莓

苔老樹無停響清笳有餘哀孤鐙耿不明土鑪撥

殘灰夜淡彊檣枕羈思浩難裁忽然夢見君攜手

上層臺吳楚森千里問君何爲來君言與子別思

心日滌洞憶昨解袂初率爾敕罇罍有懷未獲吐

飛渡江之隈贈言古所聞幸子母我哈名場日傾

仄世路紛疑猜從來斧斤施大抵爲良材况子善

微語逢人肆嘲詼醉後發狂態往往似童孩丈夫

不得志跌蕩理或該恒恐知已難緣茲叢蕩媒軟
語方未畢榜人擊楫催牽衣其垂泣覺後猶盈顛
與君非形影安得長追陪所願時入夢明誨聆規
恢

三哀詩

孫徵君豹人 枝蔚

徵君古人風動容廩持正虬鬚岸巾幘道貌肅起
敬績學窮萬卷落筆九州橫楚歌劇悲懷秦聲多
悍勁徵君三原人
僑寓楚陽一意追風雅滄哇黜衛鄭詩成
手自書八法挺痿硬坐失子玉賢奄有仲將聖才

遵清集鈔卷一

七

高苦累人文章不敵命蹉跎嬾是真偃蹇貧非病
昨歲遺尺書便面諷新咏至今懷袖中錯落珠光
迸何爲轉曉間修文輒應聘茂陵孰見求少微失
瑩映太息典刑亾千里齋磨鏡

汪比部蛟門 懋麟

比部負盛氣千秋自肩荷紛紛世上人入眼無一
箇終歲長閉關使酒或罵坐名場飽毒螫曾不少
摧挫每怪風雅衰下里隨聲和蒸壺當珍羞燕石
居奇貨思回六代瀾排決不辭瘴風雲佐驅使江
海供掀簸設想面目生落筆藩籬破高步浣花堂

何有劔南座憶昨偕史生飲西園拳咳唾三逕掩
蒿萊時許羊求過誰信知已難重來歌楚些聞訃
尚疑猜怨口或揚播已矣伯牙琴拋擲信塵泥

陸隱士懸圃

廷掄

隱士挺畸標長松立孤嶂溷跡屠沽間托興羲皇
上齋前種白楊岸側牽小舫斜著荷葉巾倒拖巾
竹杖時揮琴一絃嬾問屐幾兩高懷人罕知雄才
天所放探道得淵源論史發奇狷古作摹歐陽經
營在意匠偶氣排高空一往難遮防本俟百世知
豈與餘子抗窮餓四十年兀傲觸譏誦落落廷尉

遵清集鈔卷一

八

公世外同幽尚

懸圃與映壁李公為昭陽二隱

空山相誦泣遺聞

共屏當廷尉木將拱之子復淪喪吾道是邪非悲
風起總帳

梅花嶺

荒丘兀兀水粼粼亭畔東風失好春一笛高樓橫
夜月縞衣元是夢中人

二十四橋

煙堤弱柳鎖長蛾玉吐珠嗁委逝波水面落花紅
照岬春風錯認錦帆過

謝安宅

紅粉成塵別墅傾昔邪滿屋背荒城風廊一夜敲
寒竹猶作圍棋落子聲

疊殷彥來韻答顧書宣

驕蹤若轉丸蕪城客何久非爲山水佳戀我同心
友憶昔桂初花紅橋欣邂逅縱飲各酩酊高吟共
叉手探谷窮子午尋山到卯酉列傳有
卯西山相逢不
厭狂禮爲我輩否蹉跎良會非迅激白日走爲別
幾何時朱顏變老醜自分七宐休敢與三不朽君
才十倍丕命負良不苟文章還古雅意氣壓曹偶
聳曠爲震發如予亦抖擻朝來登君堂酌我蘭陵

酒酒半讀新詩一字一頰首整轡思躡塵荷鋤願
終畝誰知傾日葵幻作飄風柳人生非蛩蟹聚散
亦時有所媿將離贈欲報無瓊玖

書宣陸爾伸史蔚奇萬夫招飲郊園殷彥
來嗜文厚文同集校書驚孃侑觴再疊前

韻

芳郊晝無嘩名園坐來久滌煩淪清泉澆愁得紅
友僊佩訝闌珊妖姬遇邂逅火榴耀單裙霜柑破
纖手列座年方丁淡談日過酉諸君輒稱佳獨我
多所否繁華逐灰飛流光如電走美人好顏色過

時易成醜才士盛聲譽過情反速朽守貞良獨難
求合未可苟所托或非人寂居寧寡偶感此欲沈
瀾聞者亦抖擻連呼頓遜杯速飲新羅酒搜句各
燃鬚潑墨忘濡首登樓擬百尺種秫思千畝且看
陌上花不折官亭柳良會何時無清狂得未有佳
人破涕笑釵頭落瑤玖

三疊前韻別書宣

交淡別更難出門延竚久擾攘風塵間眼中誰我
友屠狗或僧牛豈無新邂逅何如平生歡動若左
右手長亭共徙倚自午不覺西墜衣涕廉纖舊游

能再否况今席帽客朱門倏奔走鼎彝溷真贗畫
圖亂好醜捷徑趨終南盛名甘速朽而予素迂拙
立志在不苟羞與絳灌伍寧爲土木偶駑駘縱鞭
策筋力難抖擻感君綢繆意素心傾杯酒水雪誓
蒼松風雨矢皓首何時謝兩驂眷言歸十畝同聽
廣陵濤並坐隋隄柳惟恐日月馳盛年非我有懋
哉崇令德贈子以孺玖

驚孃出春夜彈琴圖索詩志別戲仿金荃

集體

相逢艸艸別匆匆一片離愁杯酒中蕉怯春寒心

未展蛻憐香暖夢長通橋邊依約來時路樓畔分
明昨夜風從此關山勞悵望落花猶認舞裙紅
柳暗花明春漸淡綠牕人靜夜調琴悅從湘管吳
綃裏細聽離鴻別鶴吟雪淨已無曾印跡燭殘猶
有未灰心張衡不樂相如病添得新霜髻脚侵

遵渚集鈔卷一

一終

遵渚集鈔卷一

十一

肯未天心幾澗不樂附城內不群惟香露
滿寒時飄華無眼歸年雲氣與雅會中愁
帶餘芬即春滿對燕賦入晴窗蘭琴
限非交風對九關山長野望
未思賦詩香非雲長停香感
未思賦詩香非雲長停香感

遵渚集鈔卷二

青浦 陶 爾璉

目

清江浦渡河

王家營抵新灘集

沐陽

紅花埠曉行次邳城

李家莊

沂州道中

雨過蒙陰

遵渚集鈔卷二 目

新泰道中

羊畱店尋太傅墓

早發泰安次張夏

峒山

德州臥佛寺見沈瞿菴編修題壁有感次原

韻二首

宿阜城

雨中發河間抵任丘

棗林莊二首

趙北口

白溝河

過新城雷雨復作

過昭王家戲作

驅蠅

題棗園藥圃圖四首

集馮繁陽侍御宅

題寓壁四首

與程天石

讀礪巖集東周廣菴編修

同張實存惕存宋思堂潘書原鄭樊圃吳震

遵清集鈔卷二目

二

一 張南映俞蒼文集天石寓

友人席上聞笛三首

寄邵鏡臣二首

贈蔡方麓修撰

送王雪園侍御視鹺長蘆二首

遵渚集鈔

青浦 陶 爾棧

古今體詩四十二首

戊辰六月
至八月

清江浦渡河

河流瀲灩晝夜徂南北相望淼燕吳行人停鞭柳
下立長年三老來招呼船頭行李紛錯還船尾偏
側牛馬俱渡客戰栗船舷坐黃沙貫鼻黏髭鬚各
道行役良勞苦五方言語聲嗚呱借問諸君是誰
輩達官貴人及賈胡紛紛名利走若鶩縱橫萬里
爭兩途洪濤拍天風撼地不惜性命懸須臾茫茫
志願苦難遂憊肉消盡寧非愚顧我年來萬慮息
曷爲惘惘隨人趨

遵渚集鈔卷三

一

王家營抵新灘集

廉纖朝雨壓塵沙淨綠參差送馬過老屋半依楊
柳樹平田多種木棉花烏啼邨店客沽酒苔覆茆
菴僧施茶豹脚花鷹俱掃跡昏酣一枕是生涯

沐陽

孤城伸手齊居然控南服深穴走麇鼯空壕翔雁
鷺炊烟時有無人聲雜歌哭當街席作門倚樹繩
牽屋偶窳欵段過便投卽次宿解渴抵藜羹充饑

大清光緒
陶爾棧
藏

惟豆粥盤堆餽飢高客饜黎祗熟詰旦臨荒郊蒼
茫恣遐矚野曠豁客眼沙乾便馬足蓼花淡淺紅
瓜蔓高低綠分臙種苦蒲編槿護蘆菽老翁勤抱
甕中婦竅叱犢所與在一飽焉敢荒三伏手足盡
胝胼形容尚鳩鵠念彼良瞿瞿吾何辭僕僕

紅花埠曉行次郟城

茆店雞催曉蒼黃復跨鞍青泥淡沒靛綠樹矮妨
冠溪小奔殘溜雲陰閉古壇荒碑亭下臥野鳥啄

苔癥

郟子問官處
今有亭尚存

李家莊

遵清集鈔卷三

二

邨莊鬱碑連官陌雨莎煙艸黏天碧洪波激箭雪
漫漫老桺蟠根風撼撼三里五里杏子黃一寸二
寸鯉魚白苔埋斷碣蟲篆非日曬空牆龜兆坼嘶
風蹴月馬蹶忙掣電奔雷車轂擊街衢標榜禁宵
征保甲森嚴防逸賊居人守隘畫橫刀戍卒登樓
夜吹笛淒涼商婦訴琵琶髻髮淡林啼格磔頓覺
鄉心撥不平却教愁緒紛如織問君不醉欲何爲
囊中况有錢三伯

沂州道中

檉柳陰陰老鶴鳴亂蕭殘葦抱孤城荒丘鼠竄碑

文蝕古剝僧貧佛像傾沙路有痕鴻爪細山雲作
態礮車轟苦師收網前邨去舩舩斜陽自在行

雨過蒙陰

犖确蒙陰道孤城樹杪懸山桃紅似血野蠶大于
拳寒溜驟添尺蹇驢驅不前油衣非瓦作去聲蹄鏡

聳吟肩

新泰道中

綠陰一帶聚鴉羣三兩人家枕古墳畫層巒疑
沒骨灣環寒瀨細濺裙僧歸杏樹林邊寺鳥蹋蓮
華峰頂雲翳笠欹傾驢背穩垂鞭吟到日斜曛

遵渚集鈔卷三

三

羊留店尋太傅墓

緩帶輕裘今已矣孤邨勒馬訊遺蹤濁醪是否醜
人物欹桺依然折臂容櫻飢烏占野祭窺林飛
馳笑書偏看碑小住谿南釣淚比襄陽墮更濃

早發泰安次張夏

棗花香裏曙煙曠四面林巒擁翠屏激石澗跳雞
子白依山雲染佛頭青寒沙古路經千折破廟陰
風走百靈辛苦亾鞵吾累汝愁心題徧短長亭

峒山

羣峰倏南趨峒山居其殿屹立無因依虓怒當一

面怪樹盤螻枝哀湍落幽澗石梯聳噴吮仰望如
一綫山腰白雲生俄頃陰晴變窈窕玉皇居瓊瓏
插碧漢道人坐談經當風揮羽扇豈知山下人赤
日流雨汗

德州臥佛寺見沈瞿菴編修題壁有感因

次其韻

高座塵埋丈六身松根饑鼠齧蒼鱗佛燈偏照東
廂壁殘墨分明見故人
婁邨雪夜省分攜小別俄成永別期腸斷蘚紋蝸
篆裏一行名姓兩篇詩

遵清集鈔卷二

四

宿阜城

濁酒傾來不成醉下階徐步月朦朧更無歸夢隨
飛蜨祗有閒吟答候蟲萬里愁牽鐙影畔十年心
在漏聲中老雞那識征夫苦未曉催人逐轉蓬

大雨發河間抵任丘用江東集韻

黑雲瞞天天眼眯陶生策馬灑洲界林端乍聽鶉
鳩唳空中蚤見蛟龍挂列缺多事程威神王女無
端肆狡獪刮骨生憎似箭攢打頭那避如拳大毛
萇宅畔故壘傾扁鵲祠邊古牆壞不惜巾履盡沾
泥預愁書卷何從曬臨風忼愴吊吾丘酌酒臺前

一長喟

棗林莊

朝見棗花開莫見棗葉脫鳴蟬振哀響下與寒泉
咽

人家野水邊積雨苔生瓦樹杪出青旗知是賣漿
者

趙北口

綠楊含雨罩晴川醅面清波卵色天日出漁師爭
曬網數聲欵乃破暝煙

白溝河

遵渚集鈔卷二

五

黃沙獵獵陳雲秋故壘蕭條白骨愁溝水詎關興
廢事也知嗚咽向南流

過新城雷雨復作

一雨三日泥客子苦濘淖初陽吐復翳風黑勢何
暴阿香車不停玉女盆欲倒豈建高屋瓴似看匡
廬瀑淋漓流巾幘沾漬及襪袴蹄涔尺五溪康瓠
失騰趨彳亍望前涂江河流浩浩便擬謝羸驂隨
風移短棹

過昭王冢戲作

昭王冢畔狐千歲幻作書生慣謁人切莫去尋張

壯武累他華表伐爲薪

驅蠅

北地無一可差喜蚊雷寂天公不貸人以蠅補其
隙前身最汗下逐臭意迺得乘時捷飛騰呼羣動
千百自誇附驥尾不肯安樊棘倚枕媪酣眠當筋
爭午食斑剝瀉書卷腥羶玷巾幘我非虞仲翔安
用作弔客倉皇自下簾呼僮亟大索彈指效仲謀
錫獵踵記室豈惟清耳根亦幸免毒螫誰知狡獪
性去來輕且疾避鋒乍藏踪伺疊復鼓翼嗜噬到
毛孔爬搔疲竿力成仗毓能捕罪浮鼠當磔豎拂
喚奈何斂手嗟無策安得秋風生此曹自屏跡

遵清集鈔卷二

六

題棗園藥圃二圖

官允李公昭陽讀書處
曰棗園崑山別業曰藥

圖偶畫二圖黏壁間以當臥游自
題四斷句命爾穉屬和因次原韻

迢遞吳頭兼楚尾蒼茫臨水更登山秋風催動蓴
鱸思兩地鄉園尺幅間

某丘某水兒時戲別後相看輒惘然仿佛白雲最
淡處犁耜鶴髮繡幃前

誰移子舍來官舍日對山城藉管城只少紫荆花
下伴橋西攜手夜同行

昔游別墅翻疑畫今拂生綃錯道真無限江南好

煙月天應未許作閒人

集馮繁陽侍御宅

古篆縈心字疏簾漾水紋圖懸千尺雪瓮坼一牀
雲此地堪忘暑通宵許論文如何篋中草偏自避
人焚

題寓壁

一去青春彈指速多情阜帽裹頭牢窮猿不覺投
林易病馬偏緣識路勞試問研朱點周易何如痛
飲讀離騷空庭蠹葉無風墜預恐新霜入鬢毛
嶽嶽難將帝鬼通十年朋舊轉頭空生涯只看侏

遵清集鈔卷二

七

儒飽世事何妨長史龔直欲乘車探鼠穴不勞拄
頰望雞籠出門惘惘初心負豈有因人小子鴻

樛慄西風入布裘可憐蒲柳復經秋眼看莫鵲寒
爭樹心羨饑鷹健脫鞞廣野吟殘惟擊木剡溪興
盡待回舟孤鐙細雨添蕭瑟何必言愁我欲愁

正是江南鱸鱖肥誰教容易別漁磯六州空鑄從
前錯駟馬難追此日非顧影自驚何太瘦逢人爭
勸不如歸澱湖雙槳橫山屐尺幅煙波興未違

澱湖獨釣橫
山看雪二圖

與程天石

好花及春開好鳥及春鳴丈夫志不朽壯屣揚勛
名我生亦有涯安能老茆衡頭顱不難知塵土空
營營平生所畏友程子實抗行逢人青眼少投分
黃金輕蜚譽滿京洛二十影朝纓聳身丹霄上謙
退猶儒生因之覘所學詎獨分光榮昭王臺前路
名流莽縱橫稠載車軸折擔荷人肩頰賤子挾何
技漫浪辭柴荆袖底毛生紙泣泣同步兵感君敦
古誼歲寒挺松貞不以我徒步而忘丹雞盟還念
同襟友浮蹤各飄萍蛩蟹失依倚燕雁紛長征天
涯尊酒聚不啻河之清

時徐安士姜敬直游大梁
程白山惠沛蒼張長史俱

各歸舍君更誰輩卽次相逢迎從此風雨夜對牀
話銅檠

讀礪巖集東周廣菴編修

今之作者何飛揚人稱崔蔡家潘張尺高文集自
矜銜誰能一挽狂瀾狂汝南先生擅才地庖經廚
史爲資糧手揮栗尾萬竅怒希聲唱歎調筇簞洵
汰蟲魚同瓦礫簸揚月露成秕糠鴻詞灑晶歎銀
瀑隻語沾勾千人強先生材足棟梁用天意會使
扶明堂胡爲十年不得調著書日徬槐陰涼應知
立言堪不朽經國大業惟文章積薪置奕無定所

眼看餘子皆騰驥豪飲且可狎太白采菊聊復賡

柴桑

集中有和陶
和李諸詩

賤子文壇妄自負坐大有甚吳

楚王傾耳一聽歸昌奏么磨細響慚蜚螿安得從
公日講論十斛墨汁澆枯腸

同張實存惕存宋思堂潘書原鄭樊圃吳

震一張南映俞蒼文飲天石寓

一笑都忘夕景昏閒庭坐久石牀溫千絲密雨寒
飄瓦三尺疎篁綠映門秋緒劇如春艸亂新詩聊
與故人論烏淩紫蟹江南候傾盡莊生五石樽

友人席上聞笛

遵渚集鈔卷二

九

涼颿謾謾墮松釵一笛高秋敞旅懷苦憶去年牛
背上雨簑煙笠足生涯

激楚生憐入破遲魚龍歎躍怒濤飛倚樓已復腸
堪斷况是關山客未歸

紅橋把酒送斜曛花底清歌疑去采雲不信揚州

殘夢覺新聲重向此間聞

寄邵鏡臣

記得別時君語我相思須索寄書頻豈知落拓難
爲狀不敢緘題報所親綺榭好花春潑眼鎖窗慧
鳥夜呼人握蘭舊製還藏弃展卷俄成劫後身

蓮浦魚莊是我家誰教騎馬蹋洄沙稍知名姓憂
方大纔識之無計便差借手鈔書新日課送人作
郡舊生涯五湖烟景秋來好輸爾持螯醉菊花

贈蔡方麓修撰

荷雨槐風殿角陰玉堂鈴索晝愔愔子京椽燭成
良史西塞漁竿入苦吟裹餅爭來摹蠹尾勝衣蚤
已嚼牛心豆花棚下銜杯話不信焦桐遇賞音

送王雪園侍御視巖長蘆

翠羽彤旛獵獵斜垂鞭惜別語周遮官橋不用愁
泥滑甘雨元隨御史車

古栢槎牙鐵榦垂王嘉直節漢庭推清霜萬瓦烏
啼曙難忘螭坳執簡時

遵渚集鈔卷二

終

遵渚集鈔卷三

青浦陶爾穉

目

和湯西厓病起道懷原韻四首

爲顧伊在學士題五世同堂圖

送俞寧世檢討歸石門

九日登璫璪廠觀音閣同顧晉裴俞蒼文

後一日內閣學士李公招飲城南別墅

送倪蘭臯歸青浦五首

飲楊芝田編修菊花下

遵渚集鈔卷三

月下史蕉飲過訪同至林碧山寓

西爽軒小集次壁間韻

三里橋同宋舍人潘庶常程行人送張南映

歸里

生日自嘲呈蔣涼少陳次山力介思劉大山

鄭孟鄰吳震一程松臯索和三首

題錢唐高公蔬香園圖

送葉澄夏韋叔歸崐山

題史蕉飲札尾却回四首

磁州張尚若翰林崇祀詩

和于齊祖感懷韻

送劉仲芳之任桐鄉二首

王后張招同查德尹姚赤城徐安士陸西序

馮寶初施箕敘徐虞門張凌秋夜集

述事抒情呈大司寇徐公

代書寄邵攬菴三首

寒夜不寐同于齊祖程獻菴吳楚三用平仄

字為二首

同高霖公徐斐成彭上虎陳煥翰叢祇公施

長六曹伊人凌子雲寶靜菴鄒石瞻宋于

遵潛集鈔卷三

二

蕃范談一王巨峰集葉淵發寓

為阮于岳侍御悼亾

送張善長出守柳州

集杜為陸澹成修楔

除夕三首

遵渚集鈔

青浦 陶 爾穉

古今體詩四十四首

戊辰九月
至十二月

和湯西厓病起道懷原韻

臨水柴扉晝不關，古牆石剝蘚痕頑。異書亂擁藤
牀外，落葉平鋪竹几間。可奈饑來驅我去，正當秋
好讓人閒。風塵荏苒朱顏浼，面目何堪對故山。
撥盡寒灰不再溫，素心藉有客卿存。演連珠好空
投，瓮廣絕交成擬署。門饑鼠齧臆妨午睡，細蟲穿
葉助風喧。牆頭隱隱堆新髻，錯認江南老樹邨。時穉

遵渚集鈔卷三

一

寓西
爽軒

旅思禁秋病轉加，新霜點髻鏡難遮。逢人那用爭
頭角，似我寧堪挂齒牙。犢鼻有緣驕北阮，葛衣無
恙老西華。小舟舸上停偏穩，一任狂風簇浪花。
白雲深處好棲神，也向長安溷酒人。客笑遠游真
孟浪，天將多病蓋因循。三秋屢負尋山屐，萬斛難
驅落筆塵。愛爾新詩清鑿髮，長吟短諷不辭煩。

爲顧伊在學士題五世同堂圖

放翁檣杖若耶邨，邨中一麥頭如髡。手指丁壯曾
玄輩，自誇五世身。健存放翁投杖輒，下拜作歌紀

異詞絮煩我初讀之不甚信披圖今古堪同論圖
中面目總髣髴一嫗高坐居最尊小者分行排雁
字執醬執醕紛雲屯或牽衣裾索棗栗或依繡祿
將印捫中間學士劇瀟灑頰仰四世笑語溫身方
爲祖尚有祖手雖抱孫猶稱孫鳴鐘列鼎團頭坐
和風翁盜疑豚渾落落後先同甲子一笑試舉齊
年樽絲袖聯翩鸚鵡舞五色照爛扶桑暎世代茫
茫海田易不啻一室歛麓壘廼知家庭有真樂盛
事往往歸德門嗟我生不識王父五載閔默鮮民
冤對此嘖嘖有餘羨顧影垂泣傷孤根神僊將相

總幻妄天倫之樂難名言試看錦堂方聚慶何似
歌吹游華源借哉不令放翁見詞源倒瀉傾銀盆
送俞寧世檢討歸石門

烏柏村溪鳩亂啼愁心遙繫柳絲絲多情細雨衝
泥滑小爲行人駐片時

九日登瑠璣廠觀音閣同顧晉裴俞蒼文
忽鼓登高興祇廬信脚行佛鐙搖殿影榭葉亂秋
聲風定窸煙直雲開山閣明寒礎催薄莫鄉思撥
難平

後一日內閣學士李公招同諸子飲城南

別墅

謝公攜屐攬秋華，蔓壑枝峰杖底賒。補作去聲重陽
憑綠酒，權當兩部有青蛙。橋根水漾鞦韆紋，皺澹額
風吹帽影斜。茸杜繇來天尺五，火城遙望卽丹霞。
送倪蘭臯歸青浦

落照銜山鳥倦飛，寒枝三弔竟何依。看君南下蒲
帆疾，始向風塵惜素衣。

來值綠荷擎雨候，去當紅樹飽霜時。此行莫道全
無謂，拾得奚囊百首詩。

酒闌卽次連宵話話到家山，興欲飛今日蓼花秋。

遵渚集鈔卷三

三

水裏扁舟真箇是南歸。

屈指君歸十月天，洞庭霜橘大于拳。小槽新壓茅
柴熟，醉看饑烏啣稻田。

自憐種菜一間身，誤擲長鑱逐軟塵。楮帳寒檠今
夜夢，兼程先爾渡江濱。

飲楊芝田編修菊花下

髻几藤牀絕點塵，宣甕滿注富平春。若拋風月談
餘事，直恐黃花解笑人。

月下史蕉飲過訪同至林碧山寓

長安九月寒生早，霜葉霜花鬪媚好。露白風高雁

字斜碧天如沐雲如掃東林涌出黃金盆取次山
腰看漸小徐步迴廊一百迴茫茫千里縈離抱史
生好事夜相過凭闌細聽蟲吟悄一笑出門忘所
之六街鐙歇行人少平時愛月愛中秋置酒徵譔
事猶了碎猶得食殷卿廚一嚮初嘗便云飽豈知
秋月到秋淡色借霜華光愈皎侯官太史耽寂寞
面攤百城恣揅討眼前孤負可憐宵何翅池魚與
籠鳥狂呼開取甕頭春椰瓢滿引玉山倒歸來月
影墮西軒短牆膈膊雞催曉

西爽軒小集用壁間韻

遵渚集鈔卷三

四

坐久何妨酒再溫官齋瀟灑素風存晚花蝶粉輕
黏袖細雨龍孫密礙門大有煙霞供慵傲斷無車
馬鬪塵喧斷鴻聲裏寒生蚤一片疎碁響莫邨

三里橋同宋舍人潘庶常程行人口號送

張南映

離歌三疊酒三行榭葉紅邊盼去程不及西山蒼
翠色送君直過范陽城

生日自嘲呈蔣京少陳次山力介思劉大

山鄭孟鄰吳震一程松阜索和

如此頭顱已可知笑人鄧禹固其宜蠅方嗜汗癡

真絕鼠到拖腸技莫施借問淥鄴曾買未好將塊
壘一澆之諸公且莫投佳句待我吟成自輓詩
打牕黃葉冷淒然屏當殘裝劇可憐挂壁一雙穿
角履看囊三百賣文錢那堪病後量腰帶曾爲饑
來惜餅緣裘馬輕肥半同學已判顛顛過年年
也願侯門學曳裾逢迎筋骨本生疎焚香掃地堪
支我炙手摩肩且任渠三徑就荒緣底事一錢不
直待何如傳家舊物令餘幾鹿眼籬邊鴉背鉏

題錢唐高公蔬香園圖

耘瓜不耘根食菜不食心風苗與露甲生意常駸
駸嗟彼拔葵相畸行愚古今不識此中味百事安
能任何况驕奢子一筋糜千金彼傭忘止足求益
不自禁而使蚩蚩者此色變蒼黔不聞薦荇藻可
令明神歆伯起手灌畦千載清風欽願假此幅圖
散作千本臨廣張四達衢以爲肉食箴

席上送葉激夏韋叔歸崑山

宣武門前車轂擊出門日日送行客胡生麟天已放

溢浦船張郎起田復振嵩山策君家二阮每相過酒

冽茗香夜談易無端揖我告將歸三疊歌成畱不
得是時北風初釀寒黑雲黏天天潑墨瘦驢躓躓

不肯前黃沙十丈泥三尺中允置酒臨長亭怒角
哀絲聲傷激它日離愁仗酒揮今朝對酒愁翻劇
計君總轡齊魯郊霜花落盡霜葉赤到時緹室乍
飛灰暖陽催動梅消息折脚鎗煨芋火紅嘉窯醜
貯梨華白圍爐相對話長安應向天涯裂雁帛

題史蕉飲札尾却回

雞勤司夜容棲架鳥愛能言合在籠慚愧沙鷗雲
水性階除飲啄有何功

霜後綠筠猶有節風前絳蠟半成灰癡情只想烏
頭白曾與秦王結信來

遵清集鈔卷三

六

汲井擔薪病不堪補衣才罷飼新蠶憶從十五爲
君婦姑性于今總未諳

黃葉何心辭故枝西風禁得幾番吹却飄簾幌應
無分便觸藩籬也自宜

磁州張尚若翰林崇祀詩

嵩山鬱嵬嶺漳河猛犇驟萬怪森騰罕百靈戲巢
構先生不世豪正氣枝乾竇弱歲際時轄四郊紛
格鬪艸間濶豺豕樹頭飽雀穀純孝假蒼冥神人
默呵佑盤錯利器顯歲寒松栢茂濂洛溯淵源許
薛遙授受禮義以耕種忠信爲甲冑蓊蔓善氣迎

見者飲醇耐平生慎許與寸長亦造就間發爲文
詞灑灑如決溜豈惟國門懸便可金石壽所要開
愚蒙豈以夸縟繡樹德念報施立功尙營滕辟彼
萬間屋遠近叨芘覆又如洛陽鐘小大隨所扣惜
乎老木天設施未及究使其握中樞管葛行當又
近世分一體已足光俎豆况此番禺姿虹氣達好
肉元禮果楷模裴顏真領袖荊州抵萬戶欲識生
已後作謔志景行挂一千伯漏

和于齊祖感懷韻

真同黃面老瞿曇囊鉢蕭條寄半龕吾道非耶聊

遵清集鈔卷三

七

復爾一寒至此竟誰堪懷沙屈子天難問拔劍王
郎酒正酣貧覺家山歸未易夢隨孤雁度江南

送劉仲芳之桐鄉任

紙牕木榻夜論詩捧袂翻嫌相見遲不道酒醒殘
燭裏逢君便是送君時
甌山一抹畫橋西花拂紅牆柳拂溪記取官閒頻
到此歌樓覓我十年題

王后張招同查德尹姚赤城徐安士陸西

序馮寶初施箕敘徐虞門張凌秋燕集分

得更字集唐

朔風淒莫節有客獨屏營寄食年將老披雲興轉
清一尊殘雪夜萬里故鄉情語笑且爲樂寒宵始
半更

杜正倫

白居易

耿緯

錢起

王維

孟浩然

述事抒情呈大司寇徐公

登山須登泰華高觀水須觀江海濱嘗食須嘗虯
麟脯聽樂須聽謨韶音秉彝之好自天稟仰德何
論古與今賤子追隨况同世負劒昔在崑山陰雕
鏐不棄宰我朽瞋眩忽得程高鉞是時公方黜廬
臥每共白雀依雙林五夜俄聞宣室召九遷頓沛

遵渚集鈔卷三

八

商郊霖一沐一飴鮮暇晷平津閣畔交華簪阜樾
嘶鳴詎凡馬金籠睨晚皆僊禽攬鏡照形自憎醜
燕石空寶非璆琳十載俵俵瞽無相桃源咫尺不
可尋竭來長安賣文活羈愁旦旦抽園蠶于人但
挾禰生刺聞道難挽羲和駮猛思酌恩壓印紐中
流左顧不啻三今夕何夕稱觥會躋堂敬接臯比
談日邊乍見雲冉冉座中蚤覺春酣酣祝釐愧未
工輦輓秋階細瓌寒蒼吟且將善頌讓餘子芝泉
菊井紛摺掃

代書寄邵欒菴

布衾無寐對青熒歷歷艱難記所經自笑生來何
偏彊負君別後苦丁寧療饑剩有搏沙餅礙俗爭
思拔眼釘感歎天公寒似我雪花如掌透牕櫺
刮骨西風掠面沙淹留且復耐京華僧廚飽啖黃
芽菜官陌閒騎白鼻騮夢到書樓繙落簡憶隨藤
杖看燒畬銅餅親汲曹溪水花下同嘗八餅茶
湖海元龍氣未除紛紛蠻觸竟何如應知故我非
今我真悔騎驢復覓驢累僕也嘗爲客苦憐兒不
解寄耶書浮蹤慣是天涯住羈恨依然賦別初

寒夜不寐同于齊祖程獻菴吳楚三用平

蓮渚集鈔卷三

九

仄字爲二首

離離波含星稜稜霜侵幃枯林無停號水蟾流寒
輝征鴻求其曹哀鳴將何依青鐙低垂花殘灰餘
煙霏孤衾隨多年弓身如虔祈鰥魚開昏眸無眼
望朝曦心懸雙車輪遙遙東南飛
轉側不稱意擣枕半夜起蟹眼沸石鼎鼠跡印棗
几睡僕喚未醒舊夾手自理顧影若碎漏攬筆恐
墮指敗葉亂走壁坐具冷潑水凍雀噪復歇漏鼓
打未已已有白馬客喝道過趙李

同高霖公徐斐成彭上虎陳煥翰叢祇公

施長六曹伊人凌子雲竇靜菴鄒石瞻宋
于蕃范談一王巨峰集葉淵發寓

三徑頻過不待招匡牀棐几話淡宵春從五石樽
前覺寒向九層鑪面消雪折竹枝喧東雀鐙搖醉
頰上新潮短欄欲別雞催曉正好諸公趁早朝

爲阮于岳侍御悼亡

鳳背重黏調不成洛川森森望蕪蘅素絲銀井干
迴轉朱淚銅槃五夜傾廣撥俸錢營後事閒敲釵
股證前生臺邊拱栢霜侵曉故向潘郎髻脚明

送張善長出守柳州

遊清集鈔卷三

十

格磔聲中五馬馳愚丘懷古唱新詞等閒驚破揚
州夢柑子堂溪夜雨時

集杜爲陸澹成修撰

海內文章伯先鋒孰敢爭虹霓就掌握水雪淨聰
明妙譽期元宰論功超五丁劇談憐野逸因見古
人情過鄭湖亭 贈鄭諫議 揚旗 送樊侍
御 送郭中丞 橋陵詩 寄李白 送遠

除夕

活計終年藉賣文篋中小橐亂于雲長鬚解爲予
藏拙盡付沉香甲煎焚

滄溟新釀刮霜嚴鹿尾羊膍膩粉黏何似家園殘

雪後蘆芽爛煮菜根甜

却趁微酣倒枕眠無端清夢到吟川

稷所居曰吟川書屋

明聽見嬌兒泣泣挽孃裾索歲錢

遵渚集鈔卷三

終

遵渚集鈔卷三

七

遵渚集鈔卷四

青浦 陶 爾棧

目

元旦二首

移居詩爲中允李公賦

人日寄姜敬直

用錢唐公送別韻再寄敬直三首

十五夜同張寄亭凌秋葉淵發俞蒼文步月

口號

憶昨行與施長六

遵渚集鈔卷四

同朱竹垞檢討姜西溟徵君趙仲符張石虹

兩編修朱玉汝進士梁藥亭湯西厓兩庶

常洪昉思浦鷗盟宋又空飲李大司馬宅

道上見殘梅

感事三首有寄

寄題百步廊

王瑄湖侍講招同張紫垂錢介維路湘舞蒼

霖諸子飲丁香花下

贈別王后張

憶舊游寄諸同學四首

上翁大司空

送史蕉飲歸揚州二首

得邵叔子凶問作詩哭之兼寄尊甫攬菴四

首

永定門外春游卽目七首

書懷呈錢唐公

寄惠沛蒼

遵渚集鈔卷四

目

二

寄史大司空

書懷呈錢唐公

永定門外春游卽目七首

得邵叔子凶問作詩哭之兼寄尊甫攬菴四

首

書懷呈錢唐公

遵渚集鈔

青浦陶爾穉

古今體詩四十首

己巳正月
至三月

元旦

簾押東風細牕銜曉氣激銅瓶花破蕊
几研消冰春意已如許生涯未可憑
不才羞顧影滿鏡雪鬢髻

豈與時宜合塵中學步趨高僧分不借
好友贈文無怨謗騰多口饑寒壓病軀
朝回車歷錄欹枕聽傳呼

遵渚集鈔卷四

移居詩爲中允李公賦

長安萬戶魚鱗加貴人邸第如拳蝸中允買宅當
菜市繚垣淡巷門容車王正四日日惟吉告辭鄰
舍謀移家牛腰繩縛書礪柯牛尾執策聲查呀車
前三斗五斗酒擔頭一株兩株花周秦彝器觀者
賦外此細瓌不足誇新居竹石絕瀟灑白晝不聞
人語嘩北牕檣枕足晚雨南榮烘研多朝霞曲房
几榻手位置小徑犂确親梳爬橫參已見梅放萼
趨朝豈羨槐排衙却憶西軒有餘戀螺髻出沒牆

頭斜

舊居西軒面
山朝爽可挹

人日寄姜敬直

十年風雨一荒廬相泣相歌禮法疎草沒裙腰春

並馬松垂釵股夜評書補泥君是安巢燕聞敬直方葺治

宇舍銜索吾爲中釣魚人日懷人倍惆悵晴牕呵筆

問何如

用錢唐公送別韻再寄敬直

翦翦西風蠟淚垂斜行便面讀君詩扇頭見敬直畱別詩十首

去來京洛成何事辛苦惟應苾屨知

衡宇相望谷水濱年年風雨哭殘春渠農生就疎

頑性可是長安陌上人

遵清集鈔卷四

二

誰遣君才太出羣兒曹騰口合紛紛算來萬事摸

稜好青白何勞眼界分

十五夜同張寄亭凌秋葉淵發俞蒼文步

月口號

共扶殘醉蹋西坊萬瓦涼波滿地霜報與笙歌淡

院客莫教燈影亂清光

憶昨行與施長六

憶昨江城驅下澤城中大雪深一尺與君叉手聯

新詩白戰不許交盾戟春明訪君越來溪風雨對

牀過十夕吳鹽小點玉糝羹并刀活斫銀絲鯽座

中小陸善微詞

章夏令弟

惠子論文頗橫逸

沛

君時拊

軫彈離鸞子方艸土偷眎息可憐對酒不能豪浩

蕩春光輕一擲風流雲散年復年我耕南邨君獻

策回頭陳跡心茫然俯仰淵霄萬里隔玉河話舊

重擊祛怪君塵土流顏色布衣徒步溷吾曹無人

知是蘭臺客長安裘馬半故人白眼相逢如不識

君今尚記貧時交毋廼嗜痴有奇癖許君贈言久

未就恐寫什一遺千百豈知年長

去聲

才愈退大似

黃楊逢閏厄語君秘弗示人看紛紛癡垢方吹索

同朱竹垞檢討姜西溟徵君趙伸符張石

蓮渚集鈔卷四

三

虹兩編修朱玉汝進士梁藥亭湯西厓兩

庶常洪昉思浦鷗盟宋又宜飲大司馬李

公宅

西園春命宴花氣護重幃脫筋蓴絲滑流匙菜甲

肥壺觴支永夜鐙月湛清輝吟獻全忘分厭厭醉

不歸

道上見殘梅

欽笑含顰若有思蘸波浮月兩三枝自知不及新

桃李狼籍東風蚤更宜

感事有寄

長安棋局數枰新，應悔丹青早致身。
威鳳鳴臯同見繫，明珠苡萇果誰真。
不聞房琯能諧俗，豈有羊公肯醜人。
鑑底汎瀾知己淚，遠隨文鯉達江濱。
雲路重重鐵網張，乾坤難覓一壺藏。
漫呼艇子招漁父，親操琴言咏聖王。
門客誰能送臨賀，故人惟解重城陽。
湘潭自古羈臣地，且酌蘭醪製芟裳。
齊女門前唱渭城，春風七度嘯流鶯。
蓮房見惹心偏苦，石闕銜碑口不平。
無復鑄金誇越絕，絕空思執簡上通明。
雲酣霧重江天暝，孤劍牀頭夜有聲。

寄題百步廊

遵清集鈔卷四

四

叢篠風生靜可披，勾欄月上看偏宜。
夜淡不厭千迴遶，半爲懷人半改詩。

王瑁湖侍講招同張紫垂錢介維路湘舞
蒼霖諸子飲紫丁香花下

丁香如小婢，紫衣階下立。
臨風善才舞，著雨虞姬泣。
柔枝嬌可憐，清芬靜堪挹。
照眼發綺思，燒春供勝集。
主人過江望，高懷邈難及。
劔佩羅星辰，意氣投車笠。
是時夜方闌，零露燕支濕。
疎鐙搖弱影，花氣卷簾入。
簾卷月隨人，倒向杯中吸。
爛醉曾何辭，街鼓催已急。
歸路春茫茫，餘香在巾褶。

贈別王后張

新鶯乍翦柳垂絲曉日波明浴鶯鷺打鼓發船真

快事衝泥策蹇記當時秋江莫道開花晚后張六

櫻果由來結子遲今歲初好趁家園櫻笋候故交十登第

相對話淡卮

憶舊游寄諸同學

撥瓮愛舊醅開箱惜故履異地日班荆聲椒詎知

已平生所交親排冝得姜子敬直文河靜起瀾書囊

浩無底莊生社如敦古道玄酒澹彌旨髯金漢與小

陸孝清言散如綺最後得東陵鏡自顧覺爾散數

遺緒集鈔卷四

五

子形影俱道義勤礪砥死生幸不負聲華最所恥

昔為枝附葉今者脣離齒思心若抽蠶續絲何能

已

垂虹昔繞道追賞駕湖春寺前舟銜尾陌上車碾

塵素心聯七郡劔履搖星辰銅盤誰狎主奕奕查

王望二南與陳馮謙允大陸家好兄弟揆哉意氣掇皮真張

郎子詔勝啖蔗二祝揆韓如飲醇唐生聖千頃陂浩

浩無涯津短檠共風雨歲寒矢松筠浮蹤逐梗泛

相望邈胡秦生者各萬里何況地下人哀哉朱生

震九墓近與傅髯駕飛鄰

昔我客揚州閉門方養疾裘馬富家兒疆半處禪

蝨平原隱君子懸史事羅放軼嶽嶽孫先輩豹儒

風愛樸質齋志歸黃壚奄冉典刑失同時稱二汪

舟次蛟門今其存者一殷郎彥來好丰姿陸生爾絕橫逸

忘年爾汝呼談笑夜繼日良會不可常往事那堪

述顧子書宣許我來旅館慰蕭瑟日莫倚門前短轆

聽叱叱

平津昔開閣于清惠公虹橋書院裙屐互矜銜賤子何人斯

居然一軍殿辟猶步兵廚迺不廢藜莧是時春夏

交青溪淨如練邂逅得汪楹胡孟載酒事游讌詩

遵清集鈔卷四

六

從杜叟于評筆愛倪迂開倩每接鄭公厓塵四座

和風扇亦有賢大夫于振甲太守視我同親串六

年彈指過在公已各半只今同學人什一金閨彥

而我方泥塗層霄徒仰面遙望東山雲須臾蒼狗

變

上翁大司空

風騷南國橫麾幢堅城支守誰相降虞山鉅公手

腕硬寸穎直把龍文扛先是舉業沿謬種東塗西

抹其言吮諛韶一奏鄭衛寂不翅伐樹收窮龐紆

回澹沲若無意微風不動澂秋江少焉崩淟勢萬

里洪濤巨石相擊攃鯨鯢出海鱗爪現虹蜺就握
雌雄雙當時茅歸號大手對此自羞曹鄴邦承明
出入十餘載代宣天語諧敢控坐令羣官資模
楷豈許多士消珉砮臯比講徹園橋靜熿熿暗室
然銀釭至今春風播六館清詞麗句傳新腔穢也
菰蘆守方拙合同漫麥棲南淙無端賣文走京國
危若孤艇磨九龍終宵栖栖鴉擇木經年俛俛去聲
蜂投牕姓名豈足挂牙齒洪鐘妄思寸筵撞山頭
矯首雲觸石願分瓶水沾馬鬃

送史蕉飲歸揚州

遵渚集鈔卷四

七

那能啼笑溷優俳北垞南淙遂本懷君是炎天一
片雪爭教越大不厓柴

西園命客攬秋華月底聯吟醉墨糾君去壁間尋
舊句半埋塵土半籠紗

得邵叔子凶問作詩哭之兼呈尊甫攬菴
柳暗曹谿舫扁舟贈遠行思心託衣帶別淚在中
纓已怪疎音耗寧知隔死生孤鐙昨夜夢握手語
分明

論交得二仲高誼古人期倘儻惟君最談諧亦我
師清尊殘雪夜斷句落花時過眼風流盡斜陽空

所思

腸爲生離絕心緣死別摧半年淚洗面一夕雪盈
顛無計齋磨鏡空憐覆水杯遙知泉下魄猶望素
車來

顧我攜瓶鉢麻鞋蹠軟塵寄生真可鄙獨活竟何
因茗話虛良夕鶯啼失好春且將齊物論寫慰白
頭人

永定門外春游卽目

疎林小徑曲盤蛇驢背東風箬帽斜三月春光濃
似酒矮牆醉殺碧桃花

遵清集鈔卷四

八

暖絲無力惹芳塵過眼風光一番新多事綠楊偏
蕩漾賺人傷別又傷春

珠勒鈿車簇繡紋黃蜂作去聲對蝶成羣春風巧會

游人意傳與衣香細細聞

鳥語周遮樹影閒亂雲如馬蹴春山憑誰點綴江
南景添箇漁邨碧水灣

如袍芳州沒蹄痕略約東偏又一邨野寺重尋迹
舊徑粥魚響處便敲門

四尺荒墳過客悲白楊一道草離離生前曾否親
杯酒博得頭銜在斷碑

查查莫鵲喚歸頻
惆悵尊空負
葛巾差勝城中冠
蓋客花開花落不知春

書懷呈錢唐公

安巢須安文杏檜
擇蔭須擇楠
樹枝平生志氣憤
投足迂拙甘受今人嗤
讀史最愛諸葛傳
尚友惜不生其時
貞元蘊隆久
迺發千載于今復見之
公方抱邾莒檐底
自命豈肯下臯伊
小儒媿媿競章句
致主何以登農羲
飄然行詎雅
不屑姓名蚤被重瞳知
中官宣麻特召見
魚水遭遇非人爲
滑笏生綃賜揮灑
怒鯨風作鱗之而翰墨特公餘技耳
振擘已足千人靡
自此櫺扉備顧問
金石刻或專鴻詞
玉階無人簷鈴語
夜半溫室陳書詩
訐謨碩畫密贊定
惟聞至尊起嗟咨
人生得位行所學
宰相諫官遭等差
分曹入直循故事
那能朝夕時獻規
始信啓沃收
明效匡濟大抵繇賓師
側聞仁宣稱
鄧治三楊相業
竹帛垂就中東里
尤杰植布衣
拔起躋台司
我公甫應童子試
室中悅聽廣樂歛
巍峩棹楔金塗額
東里之名大如箕
公初名論後試于錢唐尊大人夢人鼓樂送金字匾至家苑題楊東里諱因改今名卽以是歲補博士弟子苑西治第得小印瓊瓏印紐盤神螭摩抄二篆名恰

合遠近聚觀喧駟輜

徙居京師後築室除地得水精章一方上有篆字二視之

卽所命名

西清下直金鼇畔搖鞭得句方敲推南陽學

士兆異夢夢與東里遇路岐手出新篇相是正馬

蹄歸路句唵崎集中徧索不可得驚怪累日如狂

述直廬相見讀公作拍案大叫稱神奇

公爲舍人時退直賦

詩得馬蹄歸路有清光之句是夕岷山葉文敏公夢東里以此句請正羽日與公遇于大內南書房覺詩大驚具說夢中事時龍眠張學士與二內侍聞之並達上聽

動色異人異事傳形墀惟公恬退迺素志思投山

顛與水潛明湖一曲乞未遂中外跂踵瞻羽儀高

懷縱不戀珪組鴻肩鉅任安能辭賤子南邨把鉏

遵清集鈔卷四

十

手誤挽鞭筆塵衣緇長安車馬紛偪側掩關雜誦

冠巾欹衲鑿方員各體勢不狂反爲狂人疑以茲

田園眷初服非緣斫鱸生歸思顧念廿年矢葵向

天下模楷非公誰同時不獲陪杖屨封萬戶侯曾

何裨感公憐才過饑渴執手勉策披肝脾到門願

代舍人掃傾家欲買平原絲涓流撮土誠細礫幸

矣山海無棄遺

寄惠沛蒼

挑燈唱爾竹枝詞絕憶江南行樂時水漲鴨頭春
載酒山迎驢背雪催詩衣香鬢影畱殘夢往燕歸

鴻惜路岐

昨歲謎方抵都則沛
蒼先一日南歸矣

總有百書難抵面

空餘舊恨在雙眉

寄浦陶

爾謎

遵渚集鈔卷四

終

遵渚集鈔卷四

七

寄惠浦蒼

空繪舊別在雙眉

絕憶江南行樂時
水漲鴈頭春

斷昔韶如

蒼先一日南歸矣
報歲猶衣珠簾恨

斷昔百書難抵面

遵渚集鈔卷五

青浦陶爾穉

目

酌莊社如四十韻

賣芍藥行

和于明陸齋中雜咏六首

與程歛菴夜話二首

登慈仁寺毗盧閣

春盡日二首

移寓苑西偶成

遵渚集鈔卷五

偕高異亭讀書谷蘭齋賦贈

謝客二首同高異亭賦

紀夢四首

止酒詩

餘蔭軒次錢唐公原韻

客牕倦坐有懷故鄉之樂率賦四截句寄同

游諸子

午日送張寄亭歸里

讀于齊祖西山紀游詩却贈二首

寄顧書宣

次韻答史迂民

五月二十一日曉出西安門至煤市街馬上

口號

送魯萼庭之呈貢任二首

和李侍講種竹原韻

題醉仙冊子

遵渚集鈔卷五目

二

送魯萼庭之呈貢任二首

正民二十一日曉出西安門至煤市街馬上
次韻答史迂民

遵渚集鈔

青浦 陶 爾璣

古今體詩三十六首

巳巳閏三月至五月

酬莊社如四十韻

別業臨西渚相過倚石枺披襟風謾謾聽漏夜厭
厭牀列金銀管書排赤白籤微言窺窵奧疑義剖
洪纖遠岫浮螺黛晴波倒鏡匳松濤時拍枕花氣
密侵簾傅子牆垣峻姜生壁壘嚴便娟誇陸短橫
逸愛金髯人指甘陵部星從潁水占相依沙際歷
同命海中鰈蘭漿春攜伎淩塘晚捉蟾飛觴馳羽
急雄辯鬪鋒鈿並逞吟才捷爭闡強韻拈登壇摩
趙壘決陳學齊殲醉把車茵吐狂爲鼓吏慘笑談
俱遠俗譴浪總無嫌綠髻俄彪落青衫尚帶淹錯
難將鐵鑄日豈用膠黏拙計寧移轍勞生未脫銜
畏塗經曲折世味閱酸甜家破雖無卓年荒突不
黔誰蘇魴尾困藉埽兔毫尖繾綣辭親故悽惶別
里閭短衣朝犯露瘳騎午衝炎李叔頻遭罵劉楨
屢患店枯鱗投巨浸弱羽拂危檐賣屨資生薄屠
羊托跡潛微名甘寂寂衆喙避譖譖率性元疎懶
逢場作僞謙有時腰欲折盡日口如箱往事凭闌

憶新愁逐綫添酒醒燈黯黠夢斷雨霽靈逆旅爲
家久寒衾有淚沾屋梁看落月水涘啼蒼蒹二月
來雙鯉千言直萬縑詩篇韓杜亞筆法褚虞兼雅
諛寧隨俗頑夫亦慕廉縱然違晤語况似奉鍼砭
感遇嗟囊穎懷歸咏釜鬻終當耦沮溺十畝事腰
鎌

賣芍藥行

東風落花如飛霰芍藥一羣居春殿鮮葩豔蕊誰
最繁十里豐臺名獨擅豐臺主人帶萬釘日日朝
天塵裏面春來春去總不知花開花謝何曾見樂

遵渚集鈔卷五

二

哉園公恣偷摘賣花得錢眠酒店羣兒荷擔叫市
頭日逗曉牕人正倦左手汲水挈淨瓶右手障陰
持大扇斑斑乍滴子規血皚皚新織吳機練或如
道服淡染檀或似湘裙微帶茜浥露便娟舞袖飏
臨風小朵釵頭顫繁華不數玉樓春璀璨真令銀
海眩買來聊復勸春觴俗腸恐被花神譴狂向鬢
邊插兩枝靜愛杯中飛一片小奚解事促裁詩先
傍花前排筆研

和于明陸齋中六咏

蕉

一緘書札未曾開珍重東皇特地裁祗爲多心便
多事故添風雨助人哀

蘿

繡幄淡淡覆短籬濃于苔色軟于絲可憐松栢摧
薪後縱有長條欲施誰

書

烈火減陽燒不盡賺人頭白伴鐙青就中一種難
平事活却銀蟬死却螢

書

眼前誰賡復誰真三品爭標名下人我有家山滄

遵清集鈔卷五

三

染就雲林着色巨然皴

鑪

已少令君來入座更無侍女爲熏衣道人心與灰
俱死一炷梅檀禮玉妃

酒

身後虛名那可償漫勞賢聖細評量却從寒谷移
春谷便破愁鄉入睡鄉

與程獻菴夜話

空聞郭隗建高臺如子聲華尚艸萊且把妍媸供
畫手盡將感憤入詩材馬牛呼我從教應鷗鷺于

人本不猜風雨對牀談舊事一尊長得皺眉開
不妨笑罵亦文章日日嬉游處處狂一覺墟頭逢
酒賤三春馬足爲花忙心情穩判投筆姓氏支
離溷賣漿十丈塵中冠蓋雜紛紛眼底只蚊蝗

登慈仁寺毗盧閣

傑閣何崢嶸孤標揭晴昊層梯危鳶跼艱難上蜀
道廊檐四面豁萬象異昏曉稍償腰脚疲頓覺眼
力飽野花紅欲然隴麥青未了金碧湛寒光歷歷
指宮沼西山排闥入斜陽映愈好不辨嶺與峰但
見樹如草風高鈴索寒市散明聲悄絕頂攬流雲
下界數上聲歸烏塔焉消塵心渺渺抒宿抱瓶鉢我
生涯寄包悔不早

春盡日

黃變髭鬚緇變衣眼看春至又春歸東風不爲千
紅惜惟與楊花得意飛

昨夢分明澱水濱翠着紅燭餞殘春杏梁依舊巢
江燕芍藥花前少一人

去年同鏡臣諸子飲芍藥花下分賦送春截句

移寓苑西偶成

重啗香泥別作窠高檐戢羽謝雲羅囊裝打疊無
多重正好鄰家病馬馱

偕高巽亭讀書谷蘭齋賦贈

風亂書籤送午涼
小窗對硯共評量
雄文大足疆人意
雅量兼能恕我狂
半枕靜憐水簟滑
一旗新試雪甌香
更酌迭唱消閒日
白芻青絲笑冶郎

謝客同巽亭賦

嬾翁習嬾過三時
巢父安巢且一枝
靜漱膽瓶依古佛
閒鈔頤卦當良師
露溥樹葉驚秋早
茶沸蠅聲破睡空
紫陌殷雷喧繡轂
往來只有不關伊
九層鑪面火頻添
爲護名香靜押簾
渭上夫人成眷屬
華陽處士是頭銜
三千牘向車前燬
百一詩

遵清集鈔卷五

五

從壁上黏病後倍知閒有味
平分風月未傷廉

紀夢

巳巳五月二十日病暑竟夕不寐五更甫交睫髣髴至溪洞中幽宵晦昧

恐怖欲歸一樵者笑謂予曰碧城勝地去此非遠子不欲一遊乎因導予東行數武

見古廟一區荒孺毳殿旁枕澗水黃冠三四

人坐水次襤褸如丐者狀爭指予而前曰別來三十餘年幸無恙歸期方遠胡遽

至此予憮然不解所以道人曰君不記弱水釣魚時耶向者君釣得百尺蛟不請上

帝輒以斫膾啖予輩數人帝怒甚君遂得嚴譴落籍下塵世予輩稍從未減然五十

年後終當相見於女牀山頂爾予默自念昔竇子明以釣白龍而山上仙子尋究颯

而被謫固其宜也方欲與道人尋究颯俄聞有神官至呵殿甚厲駭惶無措輒復

驚覺則日色巳半窗矣因作詩記之并邀諸同志屬和焉

拂石聽泉應接忙，夕陽歸路樹蒼蒼。無端却被樵
人誤，話舊淒涼淚萬行。
壞壁頽垣倚古藤，一條寒澗落層冰。塵心未向此
中滌，舊侶還將道長稱。
女牀山頂宴羣真，偷斫神蛟上帝嗔。自分老饕應
被譴，慚將口腹累他人。
弱水扁舟阻夙緣，漁竿漁網夢長懸。直須上若三
千斛，醉過人間五十年。

止酒詩

陶生欲作止酒詩，把杯先與酒道故。憶汝前身本

秫稻扶養萬物歸，响嘔忽逢鞠生許。致身變亂五
味流，生禍先王所享偶。一用不爾衰疾資，調護四
齊五齊標定名。三爵三爵有成數，孫朝積麴已越
禮。曹參後園豈常度，一傳酤法到魏晉。羸袒沈湎
恣朝莫，銘頌長教功德垂。清濁還分聖賢呼，強將
狂藥當葳苓。妄指滌泉曰膏露，是時中原方昏亂。
溪阬險阱塞滿，路口可以飲，不可言。聊借醉鄉屏
世務，如何清時作幸民。七尺判爲醇酎誤，我年三
十溷屠沽。鯨吸全輕五石瓠，酣身濡首不知疲。腐
脇朽腸吁可怖，梁甘劉辛犯。溪忌魯薄趙厚遭，盛

怒一杯殺人豈在多買盡六州錯難鑄叔褒自杖
真吾師趙整遺篇聊學步速焚醉日囚酒星急逐
大酋毀釀具座黏庾誠作韋弦手寫悔經細箋注
便稱惡客仍欣然憑喚老癡亦無惡向謂婦言不
可聽今日重看覆瓿布

餘蔭軒次錢唐公原韻

獨鶴橫江來振羽風塵表臯蘭含幽芳詎甘伍衆
艸至人悟大道世故遺巉峭閉關謝俗徒萬卷恣
蒐討西池挹柔藍遙山見閣掃拂石蒼蘚淡卷幔
斜陽好曠焉清煩襟復羨瑤島崇高豈能辭澹

樽清集鈔卷五

七

泊迺素抱圖懸江欲鳴

公有江都草堂圖

鑪冷香猶裊觀

化崇雅尚九陌任踟擾女蘿牽弱蔓雨露分洪造
長松不言德托根願終老

客牕倦坐有懷故鄉之樂率賦四截句寄

同游諸子

刺眼榴花午欲然非晴非雨插秧天邨南憶共鄰
翁飲醉枕鋤頭陌上眠
半川斜日漾簾明越苧單衫疊雪輕沙背泊船鷗
對宿綠楊風裊歌聲

一雙乳燕掠花飛小院沉沉晝漏稀約伴采蘭江

上去滿身香霧夜淡歸

夢醒揚州萬念塵水紋七尺臥閒身因風報與漁

樵隊自署京華大隱人

午日送張寄亭歸里

去歲端陽吾北發依然此日送君歸風光過眼旋

成夢燈火論文祗蹙違沙市脫魯魚正美山村煮

酪杏初肥最誇小陸才偏逸並馬聯吟到夕暉

弟凌秋
同行

讀于齊祖西山紀游詩却贈

竹牀瓦枕思菅騰溪巷惟聞叫賣水斜展吟箋醒

遵渚集鈔卷五

八

午夢天風吹上最高層

只愛登高懶賦詩一雙藤屨網游絲因君頓覺吟

情涌小待西風桂發時

寄顧書宣

藥圃瓦鐺折脚燒豆蕪一杯一曲志願畢浮蹤誤

落天之涯犯寒觸暑苦行役誰知我者雙屐第

五泉邊與君別飛揚尚似培井蛙厭厭旅病逾一

載頭鬚半白骨作柴失羣鴻雁多哀響經霜蒲柳

存枯芟易卜久已厭人世禮法未肯寬吾儕簡牘

徵催似償負詩文酬應疑當差細思此事君能辦
幾回風雨聞啾啾北轅胡迺息壤使我望眼空
摩揩五陵裘馬驚雲烟中有名士載連鞶好醜雖
然亂圖畫清濁要自分河淮君才千百無十一明
鏡豈久塵埃埋雄雉齋頭几榻淨圖山當戶日夕
佳石牀風清調素軫湘簾晝永揮折釵新句颯颯
奏大雅白日迅掃狂風霾愛君標格尤峻絕攀蘿
欲上愁無階如此十人何足了曷不來游長安街
愧我知黑偏守白未能衣冠雜優俳庸妄甘爲世
唾罵苑枯任彼天安排不耐紅塵翳文俗那更岐
路歷倭裊每思侵星策歸騎銷聲剗跡藏茆齋撐
箇漁舟泊遠渚拖條竹杖尋溪厓欲商去就無可
語願奉明訓爲模楷

遵清集鈔卷五

九

依韻答史迂民

迂民好讀書善飲酒兼工篆隸行楷各臻其妙

居京師三十年

又嘗泛海探閩粵諸勝今夏與穉同寓苑西有歸隱山陰之思作詩

見示賦

此爲答

疎花着雨逗牕明醉裏詩篇信手成桐帽櫻鞵尋
勝徧書滌墨癖任人評夢移雪舫乘清興吟愛霜
髭不世情作意破除爲客苦縱談風月到三更

五月二十一日曉出西安門至煤市街馬

上口號

經時不闕城南路飄瞥風光色色新棗樹成陰圓
似蓋蓼花過雨長于人極知京國交游重且免侯
門僕隸真偶爲尋僧重借馬吟鞭閒趁露華晨

送魯萼庭之呈貢任

仰宗城斗大傳是五蠻居山寨猶藏兔

縣有象兔
山舊夸麥

秦也鹽池不產魚官閒親卷帙地僻嬾文書好繼中
牟績謳歌達象胥

客愁無計遣卽次每聯牀酒畔聞吾過花時共汝
怵驚心萬里別話舊一宵長莫以無鴻雁平安惜

數行

遵渚集鈔卷五

十

和侍講李公種竹原韻

吾廬南邨南夾溪萬箇竹莫莫拂雲高離離板地
速蔭映風條長補綴霜葉禿浮綠上几研送青雜
林麓豈惟屏喧躡亦幸消炎熇竭來幽并間遠別
湘潭族貴抵千戶封粹難萬金醫忽此見修織冷
然對櫛蠹砥節愛同心洗俗思刮目編籬護嬰兒
覆土課僮僕箕踞時命儔沈飲或然燭坐壓笛一
竿奄有圖百幅青鸞恣翱翔采鳳安棲宿安得遇
壺公騎龍返茆屋

題醉仙冊子

粥濃醅面座添春痛飲全
歛白鷺巾倦倚花茵眼
未穩要將醉眼看醒人

遵渚集鈔卷五

終

遵渚集鈔卷五

十



未餘要報讀春歸人
欲歸卻面重冠春醉對金釵
白鷺巾與花茵眼
未穩要將醉眼看醒人

遵渚集鈔卷六

青浦 陶 爾稭

目

銀槎歌為錢唐公賦

卓次厚為稭談交游聲氣之事每以稭閉戶

索處為怪別後寓書相責復作四詩見寄

答此解嘲四首

喜盛儀部特擢侍御何水部特擢給諫賦此

代柬

玉河橋偶步

遵渚集鈔卷六

十一

立秋日雨

次韻贈陳泖漁

悲亾女

七夕和俞蒼文

送程柯亭南歸

東蒼文

錢唐公持服禁廷枉詩代柬次韻奉答二

首

中秋飲餘蔭軒

是夜庭中散步復成二首

和俊民夢游詩兼示吳亭二首

雨夜聞雁同楊雙鶴程獻菴限心字

贈王赤抒

餞別張南映卽席分得風字

東查荊州編修二首

九日坐雨餘蔭軒同赤抒諸子觀錢唐公所

藏唐宋畫卷午餘小飲卽事四首

和錢唐公九日韻

小重陽再和前韻示赤抒

對月二首

遵清集鈔卷六

二

書宣母夫人挽詞

贈項苧城

蘇東宋畫卷十餘小燈暗事四首

六日坐雨餘蔭軒同赤抒諸子觀錢唐公所

東查荊州編修二首

九日坐雨餘蔭軒同赤抒諸子觀錢唐公所

贈王赤抒

雨夜聞雁同楊雙鶴程獻菴限心字

時發月夢遊詩兼示吳亭二首

遵渚集鈔

青浦 陶 爾穉

古今體詩三十七首

已六月
至九月

銀槎歌爲錢唐公賦

槐陰日薄湘簾垂紙窗
僊僊涼風吹宮尹
杜門方在告
喚我牀頭看尊彝
盥手拂拭但驚詫
目瞪口噤無能詞
就中飲具騰光怪
爛銀睽暘寒侵肌
樹腹全空梗半斷
龜文迸坼頑無皮
上有一人袒裼坐
奮髯四顧非凡姿
却疑鬼斧助鏤琢
雖有巧匠工安施
舉示座中都不識
稽首官尹爲我開蒙迷

遵渚集鈔卷六

一

公言君等勿狂躁
欵識歷歷夫何疑
碧山山人朱其姓
朱碧山名華
玉嘉興人製此迺是至正時
小印斑剝藏

杯尾槎杯二字如盤影
細觀更有斷句二十有八

字古篆瘳硬摹水斯
杯尾有槎杯二字又詩云欲
造銀河隔上關時人浪說貫

銀灣如何不覓天孫錦只
帶支機片石還皆古篆也銀河漾晶倪在目
便欲

乘此浮天涯
嗚呼宛馬叩杖歸
何處蒼茫懷古空
嗟咨何如此
杯長在手博望老子相
娛嬉我聞鄭泉身後欲
葬陶家側化作酒器常
淋漓張侯張侯爾何幸
安然三百餘歲爲鳴
夸是時尋源良勞苦
歸來僅取支機片石
隨意者天孫之巧久未發一

朝良工偷得之請看朱生運鎚處如此劉鑿豈人
爲願公綽函急藏弄竊恐乘風一去難攀追公曰
未也爾來前我爲一一窮根枝當年虞揭稱同調

介壽以此相餽遺

杯首有岳壽無疆四字

悠悠桑海凡幾變

歷劫不壞神扶持近來好古說退谷

孫北海少宰

萊陽

宋荔裳

風雅同見推後先流入兩公手浮白喝月

觀察 撚吟髭竹垞

朱錫鬯檢討

長句何斛健施

愚山侍讀

曹顧菴

點竄皆陸離文場廿載傳佳話每開春甕長相思
西河沿邊塵漠漠見者不顧東西馳鄰叟解事火
速報快若久暍逢涖濱亟勅小奚走相購不爾便

遵清集鈔卷六

二

已遭鑪錘我聞斯言三太息神物會合固有期簡
珠沙石少定價不遇識者何由知詩成擲筆爲汝
賀狂呼熱酒傾連卮

卓次厚爲穉談交游聲氣之事每以穉閉
戶索處爲怪別後寓書相責復作四詩見

寄答此解嘲

南國風光瞥眼過重逢燕市起悲歌論文似爾應
無敵挾瑟如王不好何久廢往來情轉洽微商去
就話偏多窮愁博得驚人句月底通宵倚樹哦
聲華寂寂隱牆東似我何辭贅世翁苦羨黔驢猶

有技劇憐宋鷁屢遭風桁懸野服名無垢架插新
篇署尚同說鬼譚禪閒送日從人喚作滑稽雄
北部當年捧敦從水霜誰是歲寒松管寧割席無
先見和嶠同車有作容懲沸尚思吹冷具惡寒豈
便輟嚴冬因君偶話交游事百頃風濤午枕春
乞米聊爲十口資敢隨名輩學委蛇如何惠子能
知我飜道髯公不合時近水茭蒲森似劔媚春楊
柳軟于絲請看冷落東籬下霜菊依然花滿枝

喜盛儀部特擢侍御何水部特擢給諫賦
此代柬

鳳凰千仞姿棲愛孤桐清驂驪遇知已奮翬時一
鳴男兒少讀書兢兢寶令名致君堯舜上此意幽
獨盟諫官無不言宰相無不行真得展夙抱詎誇
金紫榮儀部今靈光偉望屬老成水部豐年玉表
裏何晶瑩浮湛郎署問誰知王國楨連雞難振翼
曷由見平生 九重廣忠益高樹求言旌置之風
紀地俾各有建明明廷司耳目寄托寧云輕感激
報隆眷中外聽直聲

玉河橋偶步

芰荷衫子穀皮巾徙倚勾欄看綠蘋應被橋邊楊

枿笑此間不着釣魚人

立秋日雨

憶騎蹇足辭粉社兩度炎風吹客舍羅雀門庭人
跡稀科頭讀易長松下今年暑暵異往常正月不
雨至淡夏古牆迸裂如燎龜頑石無端自開閤已
嗟土燥樹不花更堪池涸魚成鮮高梁黃萎茹枯
枯次第彫傷到梧櫨 聖人宮中勤齋祓欲挽銀
河潤九野密藏僧籬處處宣綠章道士朝朝寫偶
然玉女戲投壺不爾狂飈墮屋瓦三點五點未壓
塵夜澗依舊姮娥寡驪龍嗜睡固其宜皇天夢夢
何爲者我居苑西日多病廢絕人事如聾啞山陰
葵扇不停搖頸汗淋漓直至踝奮身思執魯陽戈
酸酸洪鱸難躍冶午餐不耐蒼蠅喧河朔之杯那
能把瑤瓊六尺臥瘦身覽形真歎吾衰也朝來涼
颺起木末階前蠹葉紛飄灑破柱俄聞雷走車攢
峰忽見雲如馬縱橫雨點大于拳華頂翻盆倒傾
瀉玉不爲粟珠不濡蔀屋歡聲達廣廈颯然病骨
一朝蘇蒲椅竹牀倍清雅稽首載拜薜收功活我
蒼生豈苟且拂拭斐几安吟箋更典葛衣買上若
今宵穩取夢歸家鄰鐘寄語輕輕打

次韻贈陳泖漁

鱸魚秋正好垂釣憶江東月落燈明簾花淡雪覆

蓬丹青堪送老工書柳漁工書鼓瑟悔徒工他日攜笻筇尋

君苦竹叢

悲亾女

手揮亾女淚口哦亾女詩亾女初墮地我客邗江
潛我爲饑寒迫奔走塵衣緇屈指丙寅秋到今三
歲奇中間見耶面未滿百日期汝生耶不見汝死
耶不知汝染是某疾汝疾延某醫汝母復久病誰
人爲攜持去年我北發牽衣笑嘻嘻憐汝尚嬌小
未解生離悲生離猶爲可那知死別隨我今聞汝
死死繫何日時汝櫬寄何寺抑在東堂基或委祝
融焰或尚埋荒陂夢中須告我毋以道遠辭

七夕和俞蒼文

月下何人弄紫簫星光雲影夜迢迢可知烏鵲元
無分辛苦年年駕彩橋

送程柯亭南歸

可是前身鄭廣文平生樗散狎鷗羣相逢却憶荷
擎蓋纔褪紅衣又別君
黃山三十六峰巒歸着松衫裹竹冠收徧詩材兼

畫本後人畱作輞川看

早識楊朱是本師生嫌相見太遲遲
離愁打算何方遣六尺橫箋曉夜披

柯亭惠穩石田
樞本二長卷

東蒼文

西風怒撼槐筠杉巢燕欲去還呢喃
悲秋病客意騷屑丹經空訪日月函
刮磨塵念如水淨惟好異書猶貪饒
昌歌羊棗有癖嗜不與世俗同酸鹹
昨歲西軒山月白一編今古披巉崑
銅臺缺研澄心紙與君顏謝相鐫劖
行蹤聚散隨落葉烏蟾迅疾驚飛帆
禁城咫尺艱會面那得一笑開愁緘
清霜

遵清集鈔卷六

六

暗點檀奴髻紫絲難染平原衫苑西
迹跡強自慰姓名且可逃譏讒君才
卓犖出塵表蒼驥馳突垂兩銜豈如
賤子山野骨有手但可攜長鏡長風
首具萬里勢所恐惡浪排危艤新篇
力追古作者鐘鏞鞞鼓聲淪淪生憎
斷句太激烈疎狂欲學漁陽慘不見
幽蘭溪谷裏當門往往遭鋤芟薈
薈莫辨麥與菽存亾任彼荆和凡客
來倘話名場事我欲徑往投巫咸

錢唐公持服禁廷枉詩代東次韻奉答

西來朝爽挹秋澄御苑浮瓜脆嚼水
鳳嶺簫聲囊

自咽銅盤燭影淚交凝看花惆悵人重到南書房後院秋
花盛開皆公解直後所種有詩紀事待月安排酒數升來詩有歸期
之落盡紅衣虛負劔玉梯遙望路難憑瞻影待東升

落照涵波倒鏡澄風敲簷馬響春冰捧來麗製三
辰動吟到寒缸半縷疑久病自憐腰減帶酬詩真
愧膽如升懸知換骨多靈藥更乞僊方作準憑

中秋飲餘蔭軒

耽酒持新戒胡爲醉似泥絕憐鶯脫殼况有蟹團
臍露壓花枝重風排雁字齊淡宵無一斗可得慰
羈棲

遺清集鈔卷六

七

是夜庭中散步復成

十丈金盤露欲傾蕭蕭苑樹作秋聲天邊好借西
風力吹破浮雲放月明
菱角垂絲芡背圓吳杭香甑煮紅蓮小山何事畱
難住席帽秋風又二年

和俊民夢游詩兼示吳亭

近隔塵凡遠隔僊舊游別有一山川垂竿尚爾遭
淪謫那更狂吟香案前

伯華才藻豔芳春蹇足何繇躡驥塵堪笑老僧真
笨鈍夢中錯認釣蛟人俊民自稱笨鈍老僧昨夢至天闕見稊與吳亭俱崇

筆就試
故云

雨夜聞雁同楊雙鶴程獻菴限心字

朔雁無依語夜深數聲帶雨落庭陰孤燈乍醒還
鄉夢別館頻驚作賦心併入新寒欺病客雜成哀
響助清吟萬金未抵家書直雲濕長天空好音

贈王赤村

畫馬當書骨造車先造輪男兒結交重意氣文章
道義相磨磷聲華預人亦何事不如姓氏長泯泯
五門珂繖東方曉輕雷捲起十丈塵馬頭獻賦誰
家子近前不避丞相嗔傳聞此道有衣鉢毋廼名

遵清集鈔卷六

八

士非其真王生靜者意遠俗蕭蕭京邸僧爲鄰名
可得聞身難見百城坐擁娛宵晨從來竿瑟不同
好眼看儕輩登華津玉竦橋偏一瓊冷經時懶出
王城闈伊予瞻望切兩稔欲往從之邈吳秦今年
苑西我假館君已奉諱歸湖濱差池蹤跡燕與雁
思心菟結山雲屯秋風宮樹墜涼葉門前日聽車
麟麟聞君此來曾乍展如饑忽得粟萬困掀簾相
見一揖罷英風爽氣來迎人班荆坐語輒傾倒見
者不信交方新可憐王哀正骨立關河跋履隨勞
薪素衣染盡顏非故長安索米傷哉貧悲君轉墮

自悲淚跼踏天地皆鮮民君今窳窳料理而我
負土猶因循哀鳴千里歛孤翼春秋麥飢誰爲陳
夜淡私語失聲慟是時月黑攢青燐問年况各過
三十相看不是少壯身枯魚過河寧免泣神龍在
穴安能馴勉旃不朽垂盛事流光一去無涯垠置
身須在泰岱頂終南那許誇嶙峋

餞別張南映卽席分得風字

秋色滿江東扁舟夕照中潮生蘆葉雨帆掛鯉魚
風別酒傾新綠疎花墮晚紅併將搖落意畱信與
南鴻

柬查荊州編修

鏡裏芙蓉濯露枝香羈紅雪詠歸遲橋橫一字誰
爭渡路近三清半欲迷直北禱之眞學士指南元
感是經師院淡古樹鳴雙鵲鈴索風高授簡時
東國聲華掩八裴石樓仙掌鬱崔巍丘遲筆織盤
雕錦公瑾醇傾暖玉杯末座憶聞黃馬辨層城旋
鏤白雲隈疎槐月轉宮籌促獨向天階望斗魁

九日坐雨餘蔭軒同赤扞諸子觀錢唐公
所藏唐宋畫卷午餘小飲卽事

潑眼秋光冷浸肌茗清香潤一簾垂病餘正少登

高興對菊狂吟喜雨詩今歲京師久旱此番雨最霑足

火錦文檀包裹重宣和舊譜按來同不須七七呈

僊技看徧鶴林千萬叢

馬足泥淡客到稀庭閒書靜玉船飛漫將異數誇

忠獻今日樽前半布衣

坐久都忘倒葛巾評書品畫聽津津養花但鬪分

曹飲虛擲重陽笑古人

和錢唐公九日韻

斷梗無端滯一涯驚心寒蝶抱叢花偶聽砧杵知

秋老為對茱萸惜歲華桂褪巖芳金粟碎草爭土

蓮渚集鈔卷六

潤碧交加滿天風雨池邊起尺幅龍蛇許拜嘉以公

懷素草書見惠

小重陽再和前韻示赤杼

高館已過重九會疎籬猶放兩三花悲懽自是關

人意榮落何曾換物華簾額霜明秋氣晚是日霜降帽

簷風急夜寒加兔山羨爾攜樽地幽賞清談繼永

嘉去年小重陽日赤杼攜酒

對月

月白霜高鱗瓦清砌蟲唧唧亂秋聲浮空未害雲

如絮磨出寒光鏡樣明

老桂無枝挺素秋
嫦娥手種愛清幽
從教用盡吳剛力
不改金波萬古流

書宣母夫人挽詞

穀雨花開春晝遲
一緘遙寄捧觴時
正憐潘岳閒將母
不道王哀已廢詩
戊辰十一月夫人六十壽
秘賦四韻郵寄越明年三月詩到夫
人已下世
綠髮尚思留客剪
畫堂多負隔屏窺
京華留滯生芻闕
雙泪風前似綆縻

贈項芋城

福性生來常少可
輒逢佳士首低垂
閒論人物偕平子
謂赤杼
得向風塵識項斯
相訪不嫌衝雨屐
定

遵清集鈔卷六

七

交還指傲霜枝秋懷一夕兼
悲喜誰道班荆是語
離

遵清集鈔卷六

終

書宣母夫人對臨

...

上海
交
100

紅

交
學

